



Votum Fraternali labori devotum

In

Fontem Eucharistico-Speciosum.

* * * * *
* * * * *

Pragr.
Sacramen-
tum.
Anagr.
Mare san-
ctum.



SI sacramentum sanctum mare, quisquis in illud
Spem jacet, capiet (si benè jecit) opes.

In fontem pulchrum Frater, non irrita lapsa est
Spes, cum Fonte sacro dum tua lapsa fuit.

Quàm benè lapsa fuit, Fontem hunc dum tutus adires,
Unde fluit votis gratia multa tuis.

Nec malè lapsa, novâ dum sorte Scholasticus auctus
Huic Fonti grates debitor usque sacras.

Hoc docet iste liber, qui sese mergit in imum
Fontis, baptismus cui fuit ante Mare.

Ps. 35. v. 10 Hinc nomen, quod habet, Fons vitæ, dignius hausit,
Hausit & ex illo nomine grande decus.

Schönborn Ad Fontem pulchrum sacro hoc cum fonte recurris,
Eccur? an te angit cura Patrocinii?

An Patricinii? dabit hic Fons pulcher utrumque,
Cum Patricinio forte patrocinium.

Fons Patrinus erit, si qua nota nigra libelli,
Fons facer absterget, sicque Patrinus erit.

FONS

Fons pulcher Patronus erit, statuetque leones
 Forte patrocinium, sicque Patronus erit.
 Hunc adeat Fontem, propria quemcunque salutis,
 Et vitæ aternæ cura, sitisque tenet.
 Plus accendetur sitis, & devotio mentis,
 Nam quò plus potæ, plus sitiuntur aqua.
 Impuros quosvis Fons hic purissimus odit,
 Solis hinc puris vita, salusque fluunt.
 Mortem gustabit sibi mens quæ conscia noxæ,
 Hauriat ut vitam, se prius ergo probet.

Quisquis alios docere cupit, omnium primò seipsum virtutibus instituat, necesse est. Abbas Certanus illud non sinè ingenio è fontis concha demonstrat, quæ aquis repleta, Epigraphen tenet: *Plena refundit.* Quam doctrinam hausisse videtur ex mellifluo Bernardo, dum scribit: *Quod tuum est, spargis & perdis, si prius, quàm infundaris totus, semiplenus festines effundere. Si sapis, concham te exhibebis, & non canalem; hic penè simul & recipit, & refundit, illa donec impleatur, expectat, & sic quod superabundat, sinè damno communicat.* Et ita juxta os aureum, *In aliorum quoque utilitatem præclaros hos faciet effluere fontes.* Hinc aquis è fontis siphone sparsis inscribo: *Recipit, & refundit.*

Concha prius sese liquidis ingurgitat undis,
 Tumque superfusâs plena refundit aquas.
 At contra exiguos latices simul atque canalis
 Cepit, quam cepit, mox quoque reddit aquam.

*Cernimus heu! multos hac tempestate canales,
 Penè etenim vacuo pectore quisque docet.
 At vix invenias multis è millibus unum,
 Qui conchæ similem se prius esse ferat.
 Plenam te in Cathedra concham quod ritè probâris,
 Hoc ex Fonte probas, unde refundis aquas.
 Fons hic uterque tibi Frater fidissime profit,
 Unde perennis eat vita, salusque fluat.
 Fons hic uterque fluat, tibi mel sine felle, propinet
 Non nisi solamen, dulce levamen amen.*

Ita preCatVr eX IntIMo CorDe SVo.

Frater germanus

F. CHRIST. PREZ,

Ord. FF. Min. Rec.

Register